



**Organizata Jo-Qeveritare Emancipimi Civil Ma Ndryshe  
EC MA NDRYSHE**

# **EC MA NDRYSHE RAPORT I PUNËS 2018**

Rr. Fehmi Lladrovci 94, 20000/Prizren ~ Bulevardi Nënë Tereza H30 B1 Nr. 5, 10000/Prishtinë  
[www.ecmandryshe.org](http://www.ecmandryshe.org) ~ [info@ecmandryshe.org](mailto:info@ecmandryshe.org) ~ 038-224-967 & 029-222-771

## **QASJE E RE STRATEGJIKE DHE PROGRAMET**

Plani Strategjik i EC-it është i ndërtuar mbi tri qëllime strategjike të cilat brenda vetes kanë objektiva strategjike që përshkruajnë në detaje më të mëdha se si do të përmbush dhe të arrijë EC misionin dhe vizionin e saj, respektivisht:

- Rritja e mundësive dhe njohurive për bashkëveprim me qytetarët,
- Kuptim dhe avokim më i mirë rreth nevojave dhe alternativave për përmirësimin e kualitetit të jetës së qytetarëve,
- Përmbushje e misionit duke menaxhuar me efikasitet resurset njerëzore dhe teknologjike.

EC është organizatë e komunitetit që angazhohet për avansimin e demokracisë në nivel lokal në Kosovë. Organizata punon me një numër të konsiderueshëm grupesh të komunitetit, si dhe mirëmban një presion të përhershëm ndaj qeverive lokale për qeverisje transparente dhe llogaridhënëse.

Duke filluar nga janari i vitit 2015, EC funksionon me këto tri programe:

1. *Qyteti Gjithëpërfshirës (mobilizim i komunitetit)*
2. *Qeverisja e mirë (monitorim dhe avokim)*
3. *Hulumtimi (prodhim i dijes)*

### ***Shtirja gjeografike***

Fokusi i EC do ishte në Prizren dhe Prishtinë, ndërsa iniciativa të caktuara u realizuan edhe në komunat e tjera, kryesisht ato të rajonit të Prizrenit. Prej vitit 2015, EC ka shtirë aktivitetin edhe në pesë komunat tjera të mëdha (Gjakovë, Pejë, Gjilan, Mitrovicë dhe Ferizaj) kurse prej vitit 2018 nëpërmjet projektit "AktRural" dhe "Indeksi i Transparcës..." EC është shtrire në shumicën e komunave të Kosovës. Si pjesë e avokimit për mbrojtjen e qendrave historike të Kosovës, përveç QH Prizren, EC nga fillimi i vitit 2015 po i vëzhgon edhe qendrat historike të Gjakovës, Prishtinës, Pejës dhe Mitrovicës. Edhe gjatë vitit 2018 EC ka mirëmbajtur prezencën e vet në këto komuna.

## PROJEKTET

Gjatë vitit 2018 është punuar në shtatë projekte. Projektet e organizatës gjatë vitit 2018 kanë patur këtë shtrirje gjeografike brenda Kosovës: Prizren, Mamushë, Malishevë, Suharekë, Dragash, Rahovec, Gjilan, Kaminicë, Viti, Kacanik, Hani i Elezit, Ferizaj, Shtime, Shtërpce, Prishtinë, Gjakovë, Pejë, Istog, Decan, Junik, Klinë, Mitrovicë, Vushtri,

### **AktRural (RuralAct) – aktivizmi i të rinjve në zonat rurale të Kosovës**

Projekti ka filluar në shkurt të vitit 2018 dhe përfundon në nëntor 2019. Projekti synon të kontribuojë në zbutjen e niveleve të përjashtimit social të të rinjve në zonat rurale duke rritur mundësitë e angazhimit të tyre në nisma të aktivizmit, vullnetarizëm dhe aktivitete jashtë kurrikulare. Objektivat e projektit janë: Angazhimi aktiv i rinisë për qytetari aktive dhe përfshirje sociale është rritur; Rinia është e informuar dhe e përfshirë në procese vendim-marrëse; Rinia përfshihet në iniciativa vullnetare për kauza sociale; Rinia përfshihet në aktiviteteve jashtë-kurrikulare.

### **Qytetet Gjithëpërfshirëse...**

Nga viti 2018, “Qytetet Gjithëpërfshirëse...” ka filluar/zgjeruar punën edhe në qytete tjera si në Dragash, Malishevë dhe Suharekë. Gjatë vitit 2018 projekti ka nxitur veprime në të gjitha lagjet e qytetit dhe në disa fshata në Prizren si dhe në qytetet tjera me një numër solid rastesh që kanë gjetur zgjidhje brenda kësaj periudhe. Projekti ka qenë prezent në hapësirën publike përmes performansave, të cilat po i artikulojnë kërkesat e qytetarëve në formën e aktivizmit kulturor dhe urban. Për qëllime të projektit është ndërtuar dhe është duke u përditësuar me informacione edhe portali *mahalla.info*, që synon të shndërrohet në adresën kryesore të informacionit mbi gjendjen në lagjet e qytetit.

### **Standardet Evropiane për parandalimin e keqpërdorimeve në sektorin e ndërtimit**

EC ka synuar të avokojë ndaj autoriteteve publike për transparencë më të madhe, zbatim të ligjeve në fuqi dhe standardeve evropiane në sektroin e ndërtimeve me qëllim të parandalimit të keqpërdorimeve, gjegjësisht krimin të organizuar dhe korrupsionit. Çështjet e parandalimit të korrupsionit dhe krimin të organizuar, përveç obligime ligjore, përbëjnë edhe një pjesë të rëndësishme të zotimeve të institucioneve të shtetit (me fokus komunat) për përmbushjen e standardeve të Bashkimit Evropian, qoftë si përafrim legjislativ qoftë si praktika të mia të qeverisjes. Objektivat e projektit kanë qenë: Kanalizimin e dijës së prodhuar mbi rëndësinë e transparencës dhe parandalimin e keqpërdorimeve në sektorin e ndërtimit për zhvillimin të qëndrueshëm urban në Kosovë në raportin e Komisionit Evropian për shtetin; Mobilizimin e potencialeve institucionale, profesionale dhe të shoqërisë civile për avokim për transparencë dhe zbatim të ligjit në sektorin e ndërtimeve dhe në planifikim urban në përputhje me

Agjendën Urbane të BE-së; Rritjen e transparencës dhe logaridhënies në planifikim hapësinor, me fokus në Prizren dhe Prishtinë, për të mundësuar mbikëqyrje më të gjerë nga grupet aktive të shoqërisë

### **Sfidat e prokurimit publik në komunën e Prizrenit**

Qëllimi i projektit është të ndihmojë në adresimin e sfidave të prokurimit publik në Prizren nëpërmjet një hulumtimi të detajuar të projekteve specifike të prokurimit në komunën e Prizrenit dhe avokimit për efikasitet, transparencë dhe llogaridhënie më të madhe në këtë sektor. Objektivat e projektit kanë qënë: Adresimin e shkëlqeve ligjore dhe proceduale të prokurimit publik në organet e drejtesisë nëpërmjet një hulumtimi të detajuar të projekteve specifike; Rritjen e transparencës të sektorit e prokurimit publik në Prizren për të mundësuar mbikëqyrje më të gjerë nga grupet e shoqërisë; Ndërtimin e një sistemi të përhershëm të monitorimit të veprimeve të autoriteteve publike në raport me procedurat e prokurimit publik (përgatitjen e dosjes së tenderit, përzgjedhjen e kompanive, lidhjen e kontratave, mbikëqyrjen e punimeve)

### **RIKTHIMI I QYTETIT - E Drejta mbi Qytetin për grupet e nënpërfaqësuar të komunitetit në Prizren**

Projekti ka pasur për qëllim për të mbështetur grupet e nënpërfaqësuar të komunitetit që ta gëzojnë plotësisht të drejtën mbi qytetin (dhe të drejtat e njeriut) përmes një sërë aktiviteteve dhe platformash mobilizimi të komunitetit. Projekti është bazuar në përpjekjet e mëparshme të organizatës për të demokratizuar më tej ushtrimin e planifikimit urban të qeverisjes lokale të Prizrenit, duke hartuar dhe zbatuar mjete praktike për përfshirjen e komunitetit. Projektet ofrojnë mjete praktike për grupet e synuara të komunitetit, të kombinuara me alternativa të politikave dhe forcimin e proceseve demokratike institucionale.

Projekti "Rikthimi i qytetit" ka pasur këto objektiva: 1. Të mundësojë platforma për arsim, mobilizim dhe aktivizim përmes të cilave grupet e nënpërfaqësuar të komunitetit do të ndikojnë në planifikimin e qytetit dhe do të përpiqen për të drejtën e tyre mbi qytetin, 2. Të nxisë reformën e politikave nëpërmjet një iniciative qytetare për Kartën e së Drejtës për Qytetin që do të përshpejtonte demokratizimin e qeverisjes urbane dhe planifikimit të qytetit; 3. Promovimi i një debati publik të shëndoshë mbi konceptin dhe praktikën e së drejtës për qytetin nëpërmjet medias.

### **Platforma Urbane e Prizrenit**

Projekti ka pasur për qëllim të inkurajojë dhe mbështesë qeverisjen vendore të Prizrenit në zhvillimin e një qasjeje të strukturuar drejt një zhvillimi të qëndrueshëm urban në përputhje me Axiendën Urbane të BE-së. Përmes këtij projekti, EC ka zhvilluar një platformë online urbane e cila synon të përmirësojë transparencën e komunës në sektorin urban duke publikuar të gjitha planet zhvillimore të qytetit në një sistem GIS online, duke përfshirë të gjitha pëlqimet dhe lejet e ndërtimit. Ky projekt gjithashtu synon të sigurojë mjete të nevojshme teknike për grumbullimin e lehtë të të dhënave nga terreni, analizë automatike e situatës me qëllim të zbulimit të shkëlqeve urbane kundër ligjeve dhe planeve në fuqi dhe rasteve të mundshme të korrupsionit.

### **Drejt një pjesëmarrje gjithëpërfshirëse në hartimin e politikave**

Projekti ka përfunduar në maj të vitit 2018. Projekti është implementuar nga rrejtji i organizatave të shoqërisë civile Civikos në partneritet me qendrat rajonale të Civikos-it i cili është përkrahur financiarisht nga Programi MATRA, menaxhuar nga Ambasada e Mbretërisë së Holandës në Kosovë. Në këtë projekt EC është ka qenë partner për rajonin e Prizrenit dhe ka kontribuar duke asistuar Civikos-in me ndihmë logjistike, administrative dhe duke kontribuar në monitorimin e procesit të konsultimit me publikun në bazë të ligjeve të propozuara nga organizatat e shoqërisë civile:

1. Projektligji për dhënjen në Shfrytëzim dhe Këmbimin e Pronës së Paluajtshme të Komunës në Ministrinë e Administrimit të Pushtetit Lokal
2. Projektligji për Ndryshimin dhe Plotësimin e Ligjit Nr. 03/L-047 për Mbrojtjen dhe Promovimin e të Drejtave të Komuniteteve dhe Pjesëtarëve të tyre në Republikën e Kosovës në Zyrën e Kryeministrit.
3. Projektligji për qasje në dokumente publike, Zyra e Kryeministrit

### ***Iniciativat tjera***

1. **Lidhja e komunitetit me shërbyesit e drejtësisë (Gjykatë e Hapur)** - Edhe gjatë vitit 2018, projekti ka vazhduar në formën e iniciativës “Gjykatë e Hapur” dhe realizohet pa përkrahje financiare. Komponentë esenciale e projektit është lehtësimi i komunikimit të grupeve të komunitetit me shërbyesit e drejtësisë. Zyra për Informim e Gjykatës tashmë operon me një numër mjeteve të përhershme të komunikimit (profilet në mediat sociale, buletini tre-mujor informues, programe ‘vizito Gjykatën’, etj). Edhe gjatë vitit 2018 është zbatuar programi i praktikës për studentët në Zyrën për Informim të Gjykatës, i cili realizohet në partneritet mes EC, Gjykatës Themelore dhe Universitetit të Prizrenit.
2. **Politikat kulturore lokale (RrOK Prizren)** – rrjetëzimi lokal i skenës së pavarur kulturore është ndër zhvillimet më të rëndësishme në sektorin e kulturës në Prizren. Si pjesë e këtij rrjeti, EC ka vazhduar të angazhohet për zhvillimin e politikave kulturore lokale në Prizren, që do të sigurojnë zbatim konkret të zotimeve për zhvillim ekonomik përmes kulturës të vendosura në Planin Zhvillimor Komunal 2025 të Prizrenit. Një nga sukseset e rrjetit gjatë vitit 2018 ka qenë nënshkrimi dhe fillimi i draftimit të Marrëveshjes së Mirëkuptimit me Komunën e Prizrenit për anëtarësimin e Prizrenit në iniciativën globale Agjenda 21 për Kulturën.
3. **Kino Lumbardhi** – iniciativa për mbrojtjen e kinos ka ofruar një shembull të mirë se organizimi dhe bashkimi mund të sjellë efekte të dëshiruara. Angazhimi për Kino Lumbardhin ka vazhduar


edhe gjatë vitit 2018, ndërsa gjatë kësaj periudhe është duke u punuar hartimi i planit të menaxhimit të këtij monumenti, si dhe janë kryer disa punime restauruese në objekt.

4. **Rrjetëzimet** – EC ka vazhduar të konsolidojë pozitën e vet brenda rrjeteve nacionale dhe rajonale, ndërsa si pjesë e tyre ka ndihmuar në iniciativat e shoqërisë civile në nivelin qendror, përfshi zbatimin e strategjisë së bashkëpunimit mes qeverisë dhe shoqërisë civile (përmes Civikos), hartimin e strategjive shtetërore të kulturës dhe trashëgimisë kulturore (përmes Forumit Kulturor), etj. EC ka themeluar edhe kapitullin e Kosovës në rrjetin global INTBAU (fondacion i Princit Charles).
5. **Shkolla për Planifikim dhe Zhvillim Urban** – EC edhe në vitin 2018 ka vazhduar me realizimin e ciklit e katërt të Shkollës për Planifikim dhe Zhvillim Urban. Qëllimi kryesor i Shkollës së strukturuar në tri module është ngritja e nivelit të njohurisë tek pjesëmarrësit në çështjet dhe praktikatat evropiane lidhur me planifikimin dhe zhvillimin urban.
6. **Bashkëorganizimi i aktiviteteve** – EC edhe gjatë vitit 2018 ka ndihmuar organizatat e shoqërisë civile nga qytetet tjera për të realizuar aktivitete me tema të ndryshme në Prizren. Disa nga organizatat që ka bashkëpunuar në realizim të aktiviteteve janë: GAP, INDEP, FIQ, D4D, ATRC, YIHR, USAID, CIVIKOS etj.

## PUBLIKIMET

Gjatë të vitit 2018, organizata ka realizuar shatatëbëdhjetë publikime ( analiza, dokumente të politikave, raporte, studime hulumtuese, vizionime për qytetin, buletinë) si dhe njëmbëdhjetë video produkte.

Raporti vjetor i punës për vitin 2018 u miratua në takimin vjetor të Kuvendit të Anëtarëve të EC Ma Ndryshe, mbajtur më 16 Mars 2019, në Prizren

Në emër të Kuvendit të Anëtarëve  
 kryesues i Kuvendit të Anëtarëve

  
Në emër të stafit të organizatës  
Edon Mullafetahu, drejtor ekzekutiv  
MA NDRYSHE